

氣未若竹下莓苔地炎帝雖嘗未辨煎桐君有錄
那知味新芽連拳半未舒自摘至煎俄頃餘木蘭
墜露香微似瑤草臨波色不如僧言靈味宜幽寂
采采翹英為嘉客不辭緘封寄郡齋甕井銅鑪損
標格何況蒙山顧渚春白泥赤印走風塵欲知花
乳清冷味湏是眠雲跋石人劉禹錫蘭若試茶歌
年年春自東南來建溪先暖水微開溪邊竒茗冠
天下武夷仙人從古新雷昨夜發何處家家嬉
笑穿雲去露芽錯落一番榮綴玉含珠散嘉樹終
朝來掇未盈檐唯求精粹不敢貪研膏焙乳有誰

製方中圭兮圓中蟾北苑將期獻天子林下雄豪
光闔美鼎磨雲外首山銅瓶攜江上中瀉水黃金
碾畔綠塵飛碧玉瓶中翠濤起鬪茶味兮輕醍醐
鬪香茶兮薄蘭芷其間品第胡能欺十目視而十
手指勝若登仙不可攀輸同降將無窮恥吁嗟天
產石上英論功不愧階前奠衆人之濁我可清千
日之醉我可醒屈原試與招魂魄劉伶却得聞雷
震廬仝散不歌陸羽湏作經森然萬象中焉知無
茶星高山丈人休茹芝首陽先生休菜薇長安酒
價減千萬成都藥市無光輝不如仙山一啜好冷

然便欲乘風飛君莫羨花間女郎只鬪草贏得珠
璣滿斗歸歐陽公聞茶歌

建安三十里京師三月嘗新茶人情好先務取勝
百物貴早相矜夸年窮腸盡春欲動蟄雷未起驅
龍蛇夜聞擊鼓滿山谷千人助叫聲喊呀萬木寒
癡睡不醒唯有此樹先萌芽乃知此為最靈物宜
其獨得天地之英華終朝摘採不盈掬通犀鈔小
圓復窳鄙哉穀雨槍與旗多不足貴如刈麻遠安
太守急寄我香蔕包裹封題斜泉甘器潔天色好
坐中揀擇客亦嘉新香嫩色始始造不似來遠從

天涯停匙側盞試水路拭目向空看乳花可憐俗
夫把金錠猛火炙背如蝦蟆由來真物有真賞坐
逢詩老頻咨嗟須臾共起索酒飲何異奏雅終淫
哇歐陽嘗新茶

蟹眼已過魚眼生颼颼欲作松風鳴蒙茸出磨細
珠落眩轉遠甌飛雪輕銀瓶瀉湯誇第二未識古
人煎水意君不見昔時李生好客手自煎貴從活
火發新泉又不見今時潞公煎茶學西蜀定州花
甕瓊紅玉我今貧病嘗苦饑分無玉椀捧蛾眉且
學公家作茗飲磚爐石銚行相隨不用撐腸拄腹

文字五千卷但願常及睡足日高時東坡煎茶歌
商雲從龍小蒼壁元豐至今人未識壑源包貢第
一春細奩碾香供玉食睿思殿東金井欄甘露薦
椀天開顏橋山事嚴庀百局補袞諸公省中宿中
人傳賜夜未央雨露恩光照宮燭右丞似是李元
禮好事風流有涇渭肯憐天祿校書郎親敕家庭
遣分似春風飽識太官羊不慣腐儒湯餅腸攪攪
十年燈火讀令我胃中書傳香已戒應門老馬走
客來問字莫載酒山谷謝送空原揀芽
我特玄珪與蒼璧以暗投人渠不識城南窮巷有

佳人不索賓即常宴食赤銅茗椀兩斑斑銀粟翻
光斛破顏上有龍文下碁局探囊贈君諾已宿此
物已是元豐春先皇聖功調玉燭晁子胸中開典
禮平生自期宰與涓故用澆君磊砢胸莫令鬢毛
雪相似曲几蒲團聽煮湯煎成車聲繞羊腸雞蘇
胡麻留渴羌不應亂我官焙香肌如匏壺鼻雷吼
幸君飲此莫飲酒山谷以龍團半錠贈元谷
人間風日不到處天上玉堂森寶書想見東坡舊
居士揮毫百斛瀉明珠我家江南摘雲腴落嶺霏
霏雪不如為君換起黃州夢獨載扁舟向五湖山

谷以雙井茶送子瞻

吳綾縫囊染菊水蠻砂塗印題進字淳熙錫貢新
水芽天珍誤落黃茅地故人鷺渚紫微郎金華講
撒花草香宣賜龍焙第一網殿上走趨明月璫御
前啜罷三危露滿袖香烟懷壁去歸來拈出兩螭
涎雷電晦冥驚破柱北苑龍芽內樣新銅圓銀範
鑄瓊塵九天寶月霏五雲玉龍雙舞黃金鱗老夫
平生愛煮茗千年燒穿折脚鼎下山汲井得甘冷
上山摘芽得苦梗何曾夢到龍遊窠何曾夢吃龍
芽茶故人分送玉川子春風來自玉泉家鍛圭椎

壁調冰水煮龍巖風捲肝髓石花紫笋可衙官赤
印白泥牛走爾故人氣味茶標清故人風骨茶樣
明開緘不但似見面叩之咳唾金玉聲麴生勸人
墮巾幘睡魔遣我拋書冊老夫七椀病未能一吸
猶堪坐秋夕楊誠齋謝送講筵

分茶何似煎茶好煎茶不似分茶巧蒸水老禪弄
泉聲隆興元春新玉衣二者相遭免甌面怪怪奇
奇真善幻紛如擘絮行太空影落寒江能萬變銀
瓶首下仍尻高注湯作字勢嫵姚不須更師屋漏
法只問此瓶當響答紫微仙人烏角巾喚我起看

清風生京塵滿袖思一洗病眼生花得再明漢鼎
難調要公理策勳茗椀非公事不如回旣與寒儒
歸讀茶經傳衲子楊誠齋在澹庵坐上觀顯上人
分茶

七言古詩散聯

澗花入井水味香山月當人松影直仙翁白扇霜
烏翎拂拭夜讀黃庭經 溫飛卿

春風三月貢茶時盡逐旌旗到山裏焙中清曉朱
門開箱篚漸見新茶來凌烟觸露不停採官家赤
印連帖催朝飢暮餽誰與衰喧闐競納不盈掬一

時一餉還成堆蒸之馥之香勝梅研膏架動奔如

雷 李郢

始于歐陽永叔席乃識復井絕品茶次逢江東許
子春又出鷹爪與露芽

建溪茗株成大樹頗殊楚越所種茶先春喊山指
白萼亦異烏嘴蜀客跨梅聖俞

我有龍團古蒼壁九泉泉深一百尺堯君汲井試
烹茶不是人間香味色 歐公

山南之茗先春採山北之人及夏嘗為念老親方
見惠極知舊友不相忘 張芸叟

老來辛苦須自烹且勿娉婷腕如玉香如桃蕊色
如麴蟹眼松聲浮艾綠

君不見莆陽學士蓬萊仙裂成月團飛上天南北
自此俱歲貢寸璧徃徃人間傳曾文昭

金甌玉繪飯炊雪海螯江柱初晚泉臨風飽食甘
寢罷一甌花乳浮輕團東坡

海濱魚益勝耕稼嘗吐父老來丁寧江鄉魚茗尤
逐末為分利害別重輕拔茶種桑何苦口崇陽因
得良吏名厲小山

七言絕句

紅紙一封書後信綠芽十片火前春湯添勺水煎
魚根未下刀圭攪麴塵白樂天

湖上画船風送客江邊紅燭夜還家今朝寂寞山
堂下獨對炎輝看雪花茶君謨

石碾輕飛瑟瑟塵乳花烹出建茶春人間絕品應
難識閑對茶經憶故人林和靖

麥粒收來品絕倫葵花製出樣爭新一杯水日醒
雙眼草木英華信有神曾子固

壑源山勢正連雲全台南州第一春自有化工鍾
粹氣特生靈葉奉嚴宸張元盡

慶雲十六升龍樣國老九年密賜來被拂龍紋射
牛斗外家英鑒似張雷山谷以潞公揀芽送公擇
二首

赤囊歲上雙龍壁曾見前朝盛事來想得天香隨
御所延春閣道嚙春雷

雞酥狗蟲難同味懷取君恩歸去來青蕝湖邊尋

顧陸白蓮社裏覓宗雷官茶極妙難為賞音二首

乳花翻椀正眉開時若渴見衝熱來知味者誰心

已許維摩雖然話如雷

山芽落磴風回雪曾為尚書破睡來勿以姬姜棄

憔悴逢時瓦釜亦鳴雷為及井鮮朝

要及新香碾一杯不應傳寶到雲來碎身粉骨方

餘味莫厭聲喧萬壑雷和公擇韻

風爐小鼎不須催魚服長隨蟹眼來深注寒泉收

第一亦防朽腹爆乾雷

乳粥瓊糜露脚回色香味觸映根來睡魔有耳不

及掩直拂繩牀過疾雷

白錦秋鷹微露瓜青瑤晚樹未成芽松梢鼓吹得

翻鼎甌面雲烟乳作花誠齋

書如香色倦猶愛茶似苦言終有情慎勿教渠純

袴識珠槽碎釜浪相輕鄭安曉

一杯春露暫留客兩腋清風幾欲仙可但喚回槐
國夢不妨更舉趙州禪

官焙春綱入貢時擔頭獵獵小黃旗甘香不數嘗
陽羨密侍天顏喜可知徐意一

騷客醉眠賜正苦睡魔退聽骨先寒未堪八餅供
龍焙且遣一旗登虎壇戴翼

七言八句

昨日東風吹枳花酒醒春晚一甌茶如雲正護幽
人整似雪絲分野老家金餅拍成和雨露玉塵煎

出照烟霞相如病渴金全校不羨生靈白鷄鷓李
鄂

活水還將活火烹自臨釣石汲深清大瓢酌月歸
春甕小杓分江入夜餅雪乳已翻漁處脚松風仍
作瀉時聲枯腸未易經三椀卧聽山城長短更東
坡

仙山靈雨濕行雲洗遍香肌粉未勻明日來投玉
川子清風吹破武陵春要知玉雪心腸好不是膏
油首面新戲作小詩君莫笑從來佳茗似佳人東
坡

蒼爪初驚鷹脫鞵得湯已見玉花浮睡魔何止避
三舍歎伯直教輸一籌日鑄焙香懷舊隱谷簾試
水憶西遊銀瓶銅碾俱官樣恨欠纖纖為捧甌

中軒

樂府祖

滿庭芳

北苑龍團江南鷹爪萬里名動京闕碾深羅細瓊
葉暖生烟一種風流氣味如甘露不染塵凡纖纖
捧水甕瑩玉金鏤鷓鴣斑相如方病酒銀瓶蟹
眼波怒濤翻為扶起樽前醉玉顏山飲罷風生兩

腋醒寃到明月輪邊歸來晚文君未寢相對小窓
前山谷

阮郎歸

摘山煮下小龍團色和香味全碾聲初斷夜將闌
烹時鶴避烟清滯思解塵凡金甌雪浪翻只愁
啜龍月流天餘清攪夜眠山谷

烹茶留客駐雕鞍有人愁遠山別郎容易見郎難
月斜窗外山歸去後憶前歡畫屏金博山一杯
春露莫留殘與郎扶玉山山谷

歌停檀板舞停鸞高陽飲興闌獸烟噴盡玉壺乾

香分小鳳團 雲浪淺露珠圓捧 甌香笋寒絳紗
籠下躍金鞍歸時人倚欄 東坡

行香子

綺席纔終歡意猶濃酒闌時高興無窮共誇君賜
初折臣封看分香餅黃金縷密雲龍 鬪羸一水
功敵千鍾覺涼生兩腋清風暫留紅袖少却紗籠
笙歌散庭館靜略從容 東坡

全芳備祖卷之二十八

全芳備祖卷之二十九 後集

天台陳景沂編輯
建安祝穆訂正

藥部

人參

事實祖

碎錄

人參初生小者一極兩葉爾年深者生三極四極
各五葉根如人形者神 本草

紀要

駱瓊採藥北山月夜見紫衣童子歌曰山涓涓兮
樹蒙蒙明月愁兮當夜空烟茂密兮垂枯松遂于
古松下得參一本食之而壽異光

雜著

紫參幽芳也五葩連萼狀飛鳥羽起放人校書劉
公詠歌之錢起作歌序

賦詠祖

五言古詩

上黨天下脊遼東真井底玄泉傾海映白露洒天
醴靈苗此孕毓肩股或具體移根到羅浮越水灌

清泚地殊風雨隔臭味終祖禰青極綴紫萼圓實
墮紅米窮年生意足黃土手自啓上藥無炮炙斲
齧盡根抵開心定魂魄憂恚何足洗麤身輔軀幹

既食首重稽

東坡

谿訝土門口突兀太行頂豈惟團紫雲實自俯倒
景剛風被草木真氣入苔蘚舊聞人銜芝人參一
名人銜生此羊腸嶺纖纖虎豹鬣感縮龍蛇癭蠶
頭試小嚼龜息變方騁矧予明真子已造浮玉境
清霄月挂戶半夜珠落井灰心寧復然汗喘久已
靜東坡猶故目北藥致遺秉欲持三榘根徃侑九

轉鼎為予置齒類豈不賢酒茗 東坡紫園參寄王定國

七言古詩

遠公林下滿青苔春藥偏宜問石開
徃徃幽人尋水見時時仙蝶隔雲來
陰陽雕刻花如鳥對鳳棲雞一何小
春風宛轉虎穴傍紫翼紅翹翻翠光
貝葉經前無住色蓮花會裏暫留香
蓬山才子憐幽性白雪陽春動新詠
應知仙卉老雲霞莫賞天桃滿蹊逕
錢起

七言八句

新羅上黨各宗枝有兩曾參果是非
入手截來花暈紫聞香已斃玉池肥
舊傳飲子安心妙新擣珠塵看雪飛
珍重故人相問意為言老矣共思歸
楊誠齋紫園參

茯苓

事實祖

碎錄

一名松肪一名松脂 本草茯苓千歲松脂也菟絲主其上而無根一名女蘿上有菟絲下有茯苓茯苓神昏自作塊不附著根上有抱根而輕虛者為茯苓

神 本草茯苓在菟絲之下狀如飛鳥之形似人形
龜形者佳久服安形養神不飢延年

賦詠祖

七言散句

無復青粘和漆葉枉教鍾乳敵仙芽 東坡

五言古詩

委綬來名山觀竒恣所停山中若有聞言此仙苑
處遂逢五老人一謂西嶽靈或聞樵人語飛去入
昂星授我出雲露蒼然凌石屏視之有文字乃古
黃庭經左右長松列動搖風露零上蟠千年枝陰

虬負青冥下結九秋霰流膏為茯苓取之沙石間
妙著龜鶴形况聞秦宮女華髮變已青有如上帝
心與我千萬齡始疑有仙骨鍊菟可永寧何事逐
豪遊飲啄以羶腥神物亦自秘風雷護此扁欲傳
山中宮回策忽已暝乃悲世上人求醒終不醒 李益

五言八句

寄信楊員外山寒少茯苓歸來稍暄暖當為斲青
冥翻動神仙窟封題鳥獸形兼將老藤杖扶汝醉
初醒 杜甫

七言絕句

莫道長松浪得名能教覆額兩眉青
便將徑寸同千尺知有奇功似茯苓

東坡

七言古詩

岷峨山中千歲松枝虬幹直摩青空
雪霜剝落中不槁膏液下與靈泉通
龜跽鳧伏自磊砢金堅玉潔仍豈融
篝明夜取喜得雋煮鼎朝聽如吟風
杵成坐上香飛雪更和乳酪收全功
當知至味本無味予若服之壽無窮
巽巖春染硬如鐵冠峨切雲佩明月
百好都隨春夢空大藥獨傳鴻寶訣
中宵

咀嚙不搖頭玉沈生肥嚙不徹
憐我百慮形蚤衰累贈扶持意何切
丹砂著眼謾爾傳胎澤釀黍計已拙
由來妙道初不煩此法莫從兒輩說
徑思舉袂揖浮丘下視塵世真一呖
朱顏留得亦何為追逐同堅歲寒節

張功甫謝李仁父茯苓

樂府祖

鷓鴣天

湯泛水甕一坐春長松林下得靈根
吉祥老子親拈出箇箇教成百歲人
燈焰燭酒醺醺壑源曾未破醒
竟與君更把長生盃略為清歌駐
白雲山

谷茯苓湯

木 白朮 蒼朮

事實祖

碎錄

朮山蘇也爾雅一名山薑一名山薷又名山薊又
名山芥又名天蘇朮有二種曰蒼曰白是也本草
必欲長生當服山精神農經

紀要

藥有乞力伽木也瀕海所產有如數斤者劉涓子
取以作煎令可丸服之長生秘氏南陽文氏其祖

漢中人值亂逃華山飢困將死有二人教以食朮
遂不飢數十年乃還鄉顏色少年氣力轉勝故朮
名曰山精抱朴子陳子皇得餌朮要方服之得仙
入霍山去其妻念壻疲病亦效其採朮之法服之
病自愈其力氣如二十時神異傳

雜著

切以綠葉抽條生乎首峯之側紫花標色出自薊
巖之中六府內充百邪外禦又云味重金漿芳躄
玉液足使坐致延生伏深銘感梁庾肩吾謝陶隱
居養朮啟

賦詠祖

七言散句

雨浥山薑病有花 東坡

五言古詩

守閑事服餌採木東山阿東山齒且阻疲痛煩經
過戒徒斲靈根封殖缺天和違爾澗底石徹我庭
中莎土膏滋玄液松靈墜繁柯東南自成畝繚繞
紛相羅晨步佳色媚夜眠幽氣多離憂苟可怡孰
能知其他爨竹茹芳葉寧慮瘵與瘡留連樹蕙辭
婉婉採薇歌悟拙甘自足激清愧同波單豹且理
內高門後如何郭功父

白朮結靈根持鋤採秋月歸來濯寒澗香氣流不
歇夜火煮石泉朝烟徧巖穴千歲扶玉顏終年固
元髮 梅聖俞

七言絕句

下簾深與意商量無酒何如此夜長一筋木絲仙
有分依然只作秘書香 高似孫

肉豆蔻

事實祖

碎錄

肉豆蔻其形圓小皮紫緊薄中肉辛辣 本草白豆

冠形如芭蕉葉似杜若子作朶如蒲萄其子初出
微青熟則變白

賦詠祖

七言散句

瘴山江上重相見醉裏同看豆蔻花 李涉

娉娉裊裊十三餘豆蔻梢頭二月初 杜牧

日暮天寒吹屬玉壘江豆蔻重重綠 張武子

五言絕句

紅豆生南國秋來發幾枝贈名多採摘此物最相

思 王摩詰

樂府祖

南鄉子

停舞袖歛鮫綃採香深洞笑相邀藤杖枝頭蘆酒
滴携燕席豆蔻花開趁暖日 歸路近叩舷歌採
真珠處水風多曲岸山橋山月過烟深銷豆蔻花
垂千萬朶

丁香

事實祖

碎錄

樹高丈餘凌冬不凋其子出枝葉上如釘長三四

分紫色有麝火如山茱萸者謂之母丁香治口氣
即御史所含之香也 本草

紀要

王梅溪有十二子名以丁香為丁子索 文集

賦詠祖

五言古詩

丁香體柔弱亂結枝猶整細葉帶浮毛踈花披香
艷深哉小齊後庶近幽人占晚墮蘭麝香休懷紛
身念 杜

五言律詩散聯

雨裏含愁態枝頭綴玉英為花更雅目變亂藥中
名 王梅溪咏丁子索

五言八句

來自丁香國還應世所稀叢生盛枝葉亂結眉中
衣冷艷瓊為色低枝翠作圍蔓連疑銷骨時見玉
塵飛 洪景巖

七言絕句

萬枝千葉遞相親內結花心外結身草木至微猶
有合悲哉父子與君臣 陶淵

甘草

事實祖

碎錄

此藥最為衆藥之主猶香中之有沉水也本草反
甘遂芫花大戟海藻惡遠志鮮附子毒本草

賦詠祖

五言八句

美草將為杖孤生馬嶺危難從何滌叟寧入化龍
陂去與秦人採來扶楚客衰藥中稱國老我懶豈
能醫聖俞

辰砂

事實祖

碎錄

辰砂本出麻陽縣及開山洞為錦州今屬沅州不
屬辰也其地產丹砂而砂井之名有九皆在猺獠
窟穴之中而錦之舊城在焉遇歲寒燎以薪竹燔
火爆石以取之時出與土人貿易不知者以辰砂
為辰所出也郡志辰砂生深山石崖間土人採之
穴地數十尺始見其苗乃白石耳謂之朱砂牀砂
生石上其塊大者如雞子小者如石榴顆又似雲
母片可折者真辰砂也無石彌佳過此皆淘土石

中得之非生于石林者本草水銀出於丹砂蓋採
竈次朱砂作鑪置砂于中下承以水上覆以盎器
外加火煨養則烟飛于上水銀流于下本草

紀要

晉葛洪字稚川從祖玄吳時學道號曰葛仙翁其
鍊丹秘術悉得真法以年老欲鍊丹砂以期遐壽
聞交趾出丹砂求為勾漏令帝從之神仙傳

賦詠祖

五言散句

遠慚勾漏令不得問丹砂杜甫

七言八句

將軍結髮戰蠻溪篋有珠珍勝象犀謾設玉林分
箭鏃向曾金鼎識刀圭近聞猛士收丹穴欲助君
王勝梟蹄多少空巖人不見自隨初日吐虹霓東坡
坡觀張帥止所蓄辰砂

鍾乳

事實祖

碎錄

鍾乳性通中輕薄如鵝翎碎之如瓜甲中無鴈齒
光明者為貴本草三乳有鍾有石鍾乳其山純石

以石津相滋狀如蟬翼為石乳石乳性溫有竹乳
其山多生篁竹以竹津相滋乳如竹狀其性平有
茅山之乳徧生茅草以茅津相滋乳性微寒同上

雜著


前以所致石鍾乳非良以為土之所出乃良人况
鍾乳直產于石石之精粗疎密尋又特異則其依
而產者固不一性然由其精密而出者食之使人
榮華溫柔由其麓疎而下者食之使人偃蹇壅鬱
故君子慎焉取其色之美而不必惟土之性以求
其至精凡為此也柳子厚與崔連州論石鍾乳書

賦詠祖

五言古詩

寄語曾公子金丹幾時熟願持鍾乳粉實此懸磬
腹遙憐蟹眼湯已化鵝管玉刀圭勿妄傳此物非
碌碌山谷乞鍾乳于曾公家

全芳備祖卷之二十九



國家圖書館, NATIONAL CENTRAL LIBRARY, TAIWAN, R.O.C.

| | | | | | | | | | | | | | | | | | | | |
|--|--|--|--|--|--|--|--|--|--|--|--|--|--|--|--|--|--|--|--|
| | | | | | | | | | | | | | | | | | | | |
|--|--|--|--|--|--|--|--|--|--|--|--|--|--|--|--|--|--|--|--|

全集卷之二

全芳備祖卷之三十後集

天台陳景沂編輯

建安祝穆訂正

藥部

茱萸

事實祖

碎錄

茗藪九月九日採本草三牲用藪注藪煎茱萸也

內則

紀要

汝南桓景隨費長房遊學謂之曰九月九日汝南
當有災厄急令家人縫囊盛茱萸繫臂登山飲菊
花酒此禍可消果如其言舉家上山夕還見雞犬
一時暴死長房曰此可代之今重陽是也續齊諧
記郭璞自洞林避難至新息有以茱萸令璞射之
璞曰子如小鈴含玄珠案文言是茱萸本傳

賦詠祖

五言散句

綴席茱萸好杜

西楚茱萸節張說

茱萸賜朝士難得一枝來杜

菊酒攜山客萸囊繫牧童張說

七言散句

茱萸暗綻紅珠藥元稹

明年此會知誰健更把茱萸子細看

五言絕句

朱實山下開丁香寒更發幸與雙桂華窓前向秋
月皇甫冉

結實紅且綠復如花更開山中倘留客置此芙蓉

盃王維

飄香亂椒桂布葉間檀欒雲日雖回照森沉猶自

寒崔迪

樂府祖

六么令

快風收雨亭館清殘燠池光靜橫秋影岸柳如新
沐聞道宣城酒美新醅熟輕鑣相逐衝泥策馬來
折東籬半開菊花艷華堂對列一一驚郎目歌
韻巧共泉聲間雜涼哀玉惆悵周郎易老莫唱當
時曲幽散難卜明年誰健更把茱萸再三囑周美成

皂莢

事實祖

碎錄

有三種如猪牙者良本草

賦詠祖

七言絕句

畿縣塵埃不可論故山喬木尚能存不緣去垢須
青莢自愛蒼鱗百歲根張文潛

仙靈毗

賦詠祖

五言古詩

窮陋關自養痛氣劇薰煩隆冬立霜霰日夕南風

溫杖藜下庭際或踵不及門門有野田吏慰我飄
零菟及言有靈藥近在湘西源服之不盈旬蹙躄
皆騰騫笑打前即吏為我擢其根蔚蔚遂充庭莫
翹忽已繁晨起自採暴杵臼通夜喧靈和理內藏
攻疾貴自源擁覆逃積霧伸舒委餘暄竒功苟可
微寧復資蘭蓀我聞畸人術一氣中夜存能令深
深息呼吸還歸根踈放固難效且以藥餌論痿者
不忘起瘖者復能言神哉輔吾足幸及兒女奔柳
子厚

茱萸

事實祖

碎錄

茱萸馬舄也即車前草本草一名當道蝦蟆衣

賦詠祖

七言絕句

開州五月車前子作藥人皆道有神慙愧使君憐
病眼三千餘里寄閑人張籍

拔蒲八反 葵葉八反

事實祖

碎錄

苗莖成蔓採其根田舍貧家亦取以釀酒 本草

賦詠祖

五言古詩

江鄉有奇蔬本草寄菘葵驅風利頑痺解毒補體
節春深土膏肥紫笋迸土裂烹之芼薑橘盡取無
可掇應同玉井蓮已過苗頭茁異時中州去買子
攜根撥免令食蔬人區區美薇蕨 張文潛

白頭翁

事實祖

碎錄

葉似芍藥花紫色似木槿白毛披下似蠶正似白

頭翁故名 本草

賦詠祖

五言八句

雜入田家去行歌荒野中如何青草裏亦有白頭
翁折取對鏡宛將衰鬢同微芳似相諄流恨白
東風 李太白

白菘荷

事實祖

碎錄

人家種此以辟蛇春初生葉似甘蔗根似薑而肥
其根莖堪為菹赤者為上陶隱居

賦詠祖

五言古詩

血蟲化為厲夷俗多所神御精每醋毒謀富不謀
仁蔬果自遠至盃酒盈肆陳言甘心必苦何用知
其真華潔自外飾必病中州人錢刀恐賈害飢至
益遂巡竄伏常戰慄懷故愈悲辛庶民有嘉草功
會事久泯炎帝秉靈編言此殊足珍崎嶇乃有得
託以全餘身紛敷碧樹蔭貯昧心所親柳子厚

益智

事實祖

碎錄

益智葉如蕤荷莖如竹箭子叢生大如棗中辦粽
味辛廣州

紀要

魏建安八年交州刺史張津嘗以益智子粽餉武
帝晉嵇含記盧循為廣州刺史遺劉裕益智粽裕
荅以續命湯世說

賦詠祖

五言古詩散聯

挺芳銅嶺上擢穎石門端連叢至本葉雜和委雕
盤梁劉孝勝

覆盆子

事實祖

碎錄

覆盆子即蓬蘽之實也蓬蘽乃根或苗之類益賢
藏縮小便服後當覆其溺器以此得名

賦詠祖

五言古詩

靈根茂永夏幽磴羅深叢晶華發鮮澤葉實分青
紅搜尋犯晨露採摘勤村童藉以烟筍擇貯之霜
筠籠

誰知此俗俚却老有奇功咀殮腦髓聚烹吸形神
克金王古

杜若

事實祖

碎錄

葉似山薑花赤色根似高良薑一名杜蘅本草實
為紅豆根則為高良薑爾雅

雜著

采芳洲兮杜若將以遺兮下女雜杜蘅與芳芷山
中人兮芳杜若楚辭

賦詠祖

五言散句

崖窈助甘冷山薑發芳辛東坡

宿雨桃花水春風杜若汀吳昭武

七言散句

林深野桂寒無子雨浥山薑病有花東坡

五言古詩

生在窮絕地豈無迹相親不願逢採摘本欲芳幽
人沈約

五言八句

採擷黃薑藥封題青瑣闥共聞調膳日正是退朝
歸香為華筵發清隨綵翰飛故將天下寶萬里與
光輝劉禹錫山薑

七言古詩

欽州五月土如炊滿山杜若芳菲菲素英綠葉紛
可喜勁烈不避炎歊威採之盈掬薦蔬食臧獲失
笑庖人譏君不見屈平夕飡賦秋菊竟兮無南盍

來歸又不見坡公服食得臬耳扣角自歎從前非
伊予假祿二千石窮此二子猶庶幾食花爵藥有
真樂一飽何必謀甘肥尚餘升合漬生密從他意
次生珠璣 劉圻父

薜蘿

事實祖

碎錄

芎藭葉也苗似芹與胡荽及蛇床等本草

雜著

秋蘭兮薜蘿羅生兮堂下 楚辭

賦詠祖

五言散句

上山採薜蘿下山逢故夫 古詩

薜蘿敷綠葉系出蛾眉陰 朱荷制

時過湯餅客共破粵侯琛

七言散句

薜蘿自是王孫草莫送春香入客衣 孟遲

飽食不嫌溪筍瘦穿林閑覓野芣苢苗 東坡

五言古詩

葉葉秋聲中霏霏蚤英菽介持有如松繁華匪慙

全芳備祖卷三十一
菊勃蔚襲軒墀薰沾滿衣服情人擢纖指拾蕊動
盈掬蘼蕪見離騷苓藿入譜錄蕪 双溪

五言古詩散聯

蘼蕪有香葉采采乘清旦山頭去婦思堂下騷人
怨使君亦何為烹茶奉閒燕曾文昭

七言絕句

蘼蕪嘉種列群芳禦濕前推葢品良時摘嫩苗烹
賜茗更從雲脚發清香韓忠獻

全芳備祖卷之三十



全芳備祖卷之三十一 後集

天台陳景沂編輯

建安祝穆訂正

藥部

兔絲子

事實祖

碎錄

女蘿兔絲也爾雅葛與女蘿施于松柏詩兔絲蔓
草上生今兔絲子是也在木曰松蘿陸机疏
賦詠祖

五言散句

兔絲附女蘿 古詩

兔絲附蓬麻引蔓故不長 杜甫

五言古詩

人生莫依倚倚事不成君
看兔絲蔓依倚與荆
榛荆榛易蒙家百鳥撩亂鳴
下有狐兔穴奔走亦
縱橫樵童所將去柔蔓與之
并翳蒼生可恥束縛
死無名桂樹月中出珊瑚石
上生俊鶻度海食應
龍升天行靈物本特達不敢
相纏縈相纏竟何者
荆榛與飛莖 元稹

五言古詩散聯

輕絲既難理細縷竟無織爛熳已萬條
連綿復一色安根不可知縈心終不測
謝朓

地黃

事實祖

碎錄

有乾生二種久服輕身不老一名地髓一名芒
一名芑 本草

賦詠祖

五言古詩

麥死春不雨禾頭秋早傷歲宴無口食田中採地
黃採之將何用特以易糧凌晨荷插去薄暮不
盈箱攜來朱門家賣與白面郎與君啖肥馬可使
照地光願易馬殘粟救此苦飢腸白樂天
地黃飼老馬使之光照人吾聞樂天語喻馬施之
身我衰正伏櫪垂耳氣不振移栽附沃壤蕃茂爭
香新沈水得稗根重陽養陳薪洗以東河清和以
北海醇崖蜜助甘冷山姜蕨芽辛融為寒食錫噉
作瑞露珍丹田自留火渴肺還生津願餉內熟子
一洗胸中塵東坡

椒

事實祖

碎錄

撥大椒也爾雅蜀椒出成都秦椒出天水隴西胡
椒生西戎亦出南海向陰生者名澄茄向陽生者
名胡椒本草椒聊之實蕃衍盈升詩有椒其馨詩

紀要

漢椒房殿名皇后所居以椒糊壁取其温而香也
顏師古注桓帝竇皇后崩中常侍曹節王甫欲以
貴人禮葬太尉李固擣椒自隨謂妻子曰若太后

不得配桓帝吾不生還矣漢書晉石崇以奢相尚
室宇宏麗至以椒塗其壁本傳鍾繇黜其妻文帝
命復焉繇恚忿食椒帝乃止魏氏春秋吳真君服
椒法并歌曰其椒應五行其仁通五義服之半年
內脚心汗如水坡詩注元載為相朝廷籍其家胡
椒至八百斛他物稱是本傳
正月旦日進酒降神訖室家無大小以次坐祖先
之前各上椒酒于家長曰椒觴四民月令

雜著

奠桂酒兮椒漿楚辭

賦詠祖

五言散句

椒花逐頌來庾信

紅椒艷復殊

椒實雨新紅

椒盤已頌花

七言散句

汗水流嚴始信吳東坡全篇見芎門

芎

事實祖

碎錄

芎藭以蜀川者為勝其苗生葉似芹而倍香或蒔

於園庭則芬馨滿徑人於其葉作飲香云惟實形
塊重實作雀臄狀者是其力也本草
賦詠祖

五言八句

芎藭生蜀道白芷來江南漂流到闕輔猶不失芳
甘濯濯翠莖滿悒悒清露涵及其未花實可以資
筐籃秋節忽已老苦寒非所堪斫根取其窮對此
微物慙東坡注云可以為菜

七言八句

燥吻時時著酒濡要令卧病致文殊河魚潰腹空

號楚汧水流散始信吳自笑方求三歲艾不如長
作獨眠夫羨君清瘦真仙骨更助飄飄鶴背軀東坡次韻公濟謝芋椒

檳榔

事實祖

碎錄

樹高五七丈正直無枝皮似青銅節如桂竹葉生
木顛大如插頭其實作房從葉中出傍有若棘針
重疊其下一方類百實如雞子狀皆有皮殼肉滿
殼中味苦澁得扶留藤與瓦屋子反同咀嚼之則

柔滑而甘美其俗云南方地溫不食此無以祛之
蓋瘴癘也其大腹子與檳榔相似檳榔難得真者
今貨者多大腹子也生南海今嶺外諸郡皆有之
本草栲藤可以食檳榔蓋葯醬也 坡詩注南中風
俗男聘女必以檳榔盤為禮賓客會見必先進檳
榔若不設用相嫌恨 郡志

紀要

劉穆之少貧性妻兄江氏乞食畢求檳榔江氏戲
曰檳榔消食君常飢何須此穆之為丹陽令乃令
厨人以金杵貯一斛與其妻兄弟 南史

雜著

無勞朱實嫌荔枝之五滋能發紅顏類芙蓉之十
酒梁庾肩吾啟

賦詠祖

五言散句

檳榔共聘幣 鄭松憲
綠房千子熟紫穗百花開 周石信

七言散句

搜欄葉子海棠花 誠齋
不用長愁掛月村檳榔主子竹生孫 東坡

五言古詩散聯

羞此朱櫻就詎易紫梨津莫言蒂中熟當看心裏
新微芳雖不足含咀願相親 梁劉孝綽

五言八句

憶昔南遊日初嘗面發紅藥囊知有用茗椀詎能
同蠲疾收殊效修真錄異功三彭如不避麋爛已
非中見柳子厚罵尸虫文

七言絕句

蠻烟兩裏紅千樹逐水排痰肘後方莫笑忍饑窮
縣令煩君一斛寄檳榔 山谷

人人藤葉嚼檳榔戶戶茅簷覆土牀只有春風不
寒乞隔牆吹渡柚花香

七言八句

海角人烟百萬家蠻風未變事堪嗟果堆羊 烏
青欖菜釘丁香紫白茄楊棗實酸薄衲子山茶無
葉木綿花一般氣味真難學日啖檳榔當啜茶鄭
松憲薄衲如棗而酸

扶留

賦詠祖

五言絕句

根節含露辛茗穎援援綠蠻中靈草多夏永清陰
足朱文公

薏苡

事實祖

碎錄

春生苗莖高三四尺葉如黍開紅白花作穗子五
六月結實形如珠子而稍長故名薏珠子小兒多
以線穿如貫珠戲細舂為飯或煮粥亦好今人多
取葉為飲香本草

紀要

馬援在交趾嘗餌薏苡以勝瘴氣軍還載之一車
時人以為南土珍貴權貴皆疑之援方有寵故莫
以聞及卒有上書譖之者以謂前所載還乃明珠
文犀爾上益怒後漢書

賦詠祖

七言散句

胡椒尚殺元相國薏苡猶疑馬伏波徐竹隱

五言古詩

伏波飯薏苡禦瘴傳神良能除五溪毒不救讒言
傷讒言風雨過瘴癘久亦亡西俱不及治但受草

木長草木各有宜珍產駢南荒絳囊懸荔枝雪粉
剖梳櫛不謂蓬荪姿中有藥與糧春為茱萸圓炊
作菰米香子美拾橡粟黃精誑空腸今吾獨何者
玉粒照座光 東坡

五言古詩散聯

佳實散南州流傳卻山瘴如何馬伏波生取丘山

謗 温公

七言古詩

初游唐安飯薏米炊成不減雕胡美大如茱實白
如玉滑欲流是香滿屋腹腴項鬻不入盤况復殮

酪誇甘酸東歸思之未易得每以問人人不識嗚
呼奇才從古棄草管君試求之離落間 夜翁

七言古詩散聯

葉如華黍實如珠移種宮庭特慈蔭但蠲病渴付
相如勿恤謗言歸馬援 聖俞

黃精

事實祖

碎錄

一名免竹一名救窮服花勝實服實勝根 花朴子

紀要

陸通字接輿與妻俱隱峨眉諸名山食菌樞實服
黃精子俗傳以為仙高士傳
賦詠祖

五言散句

三春濕黃精一食先毛羽杜甫

七言散句

掃除白髮黃精在杜詩人空腹待黃精東坡

雪底黃精興不踈荆公

五言古詩

靈苗出西山服食採其根九蒸換凡骨經著上世

言候火起中夜馨香滿南軒齋居感衆靈藥行起
妙門自懷物外心豈與俗士論終期脫印綬永與
天壤存韋應物

七言古詩

長鏡長鏡白木柄我生記子以為命黃獨無苗山
雪盛短衣數挽不掩脛此時與子俱歸來男呻女
吟四壁靜嗚呼四歌兮歌四奏林猿為我啼清書
杜甫

七言絕句

太華西南第幾峯落花流水自重重幽人只採黃

精去不見青山養鹿茸

金櫻子

事實祖

碎錄

金櫻子今叢生于籬落間類薔薇有刺霜後方紅
熟味甘少澁止多便飲精氣令野人盛摘搗汁熬

成糖 本草

賦詠祖

五言古詩

人生欲長存日月不肯遲百歲風吹過忽成甘蔗

傳聞上世士烹餌草木滋千秋垂綠髮每恨不

同時李侯好方術肘後揆神奇金櫻出黃墳刺索

攬霜枝寒窓司火候古鼎凍膠飴初嘗不可口醇

酒和味宜至今年七十孺子色不衰田中按耘耘

孫息親抱持却笑鄰舍翁未老須杖藜山谷和公

善金櫻餌

假守富春公秋毫聽民詞夙夜臨公廳歸卧酸體

肢李侯來饋藥期以十日知溪中護露根金鑠秘

玉符不須許斧子辛勤來五芝我方困健訟樞翁

爭一錐不能鳴絃坐頰愧巫馬期敢乞刀圭餘歸

和卯飲危倘令憂民病從此得國醫

七言絕句

三月花如簷蔔香霜中採實似金黃煎成風味亦
不淺潤色猶煩顧長康

姚西岩

麥門冬

事實祖

碎錄

葉似莎草長及尺餘四季不凋根作連珠形似橫
麥類本草取苗作水飲本草天門冬春生藤蔓大
釵股高至丈餘葉似苗香秋結黑子在其根一名

釁本草

賦詠祖

五言古詩

佳人種碧草所愛凌風霜佳人昔已歿草色猶蒼
蒼思人不忍棄期植寒種傍

五言絕句

高蘿引蔓長挿援垂碧絲西窓夜來雨無人領幽
姿宋文公天門冬

七言絕句

一枕清風值萬錢無人肯買北窓眠開心暖胃門

冬飲如是東坡手自煎 東坡送門冬飲與米元章

紫蘇

事實散

碎錄

有水蘇紫蘇假蘇三種水蘇又名雞蘇 本草葉下
紫蘇而氣甚香其不紫無香者為野蘇不堪用其
子主下氣與橘皮相宜 本草

賦詠祖

五言古詩

歲暮有秋望帶經且親鋤今茲五月交盛陽精已

徂養生寄空瓢雖乏未可虛正以營一飲形骸如

此 劬劉原父

胡麻

事實祖

碎錄

狗蝨巨勝也藤茲胡麻也隱居陶氏云莖者名巨
勝圓者名胡麻類麻故名曰胡麻又八穀中最為
太勝故名曰巨勝生上黨川澤青蓂巨勝苗也處
處有之皆園圃所種苗梗如麻而葉圓銳光澤嫩
時可作蔬道家多食之 廣雅

紀要

劉晨阮肇入天台採藥失道食盡見桃實食之覺
身輕行數里至溪澗持杯取水見一杯流出有胡
麻飯溪邊二女子笑曰劉阮二郎捉向所失流杯
來便迎歸作食既出無復相識至家子孫已七世
矣天台志

賦詠祖

五言古詩散聯

勉力向藥物曲畦聊自蔣胡麻養氣血種以督兒
曹梅聖俞

全芳備祖卷之三十一



國家圖書館, NATIONAL CENTRAL LIBRARY, TAIWAN, R.O.C.

| | | | | | | | | | | |
|--|--|--|--|--|--|--|--|--|--|--|
| | | | | | | | | | | |
|--|--|--|--|--|--|--|--|--|--|--|

三二二
新
身
二